

神輿本經會通

神農本草經會通卷之一

草部上

羌活

獨活

防風

升麻

白芷

苳胡

前胡

木香

當歸

芎藭

藜蘆

白芍藥

赤芍藥

黃連

胡黃連

黃芩

大黃

白朮

蒼朮

人參

黃耆

甘草

半夏

桔梗

知母

貝母

乾地黄

生地黄



五味子

澤瀉

麻黃

葛根

生葛根汁

葛穀

葛葉

葛花

葛粉

通草

鸞覆

通脫

木通

防已

天南星

天門冬

麥門冬

地榆

連翹

連軹

細辛

栝樓根

栝樓

葉 莖

栝樓實

紅藍花



神農本草經會通卷之一

西甌可齋騰弘輯

六世孫萬里校

草部上

羌活○君也。去黑皮並腐爛者用。○氣雄。

味苦甘。氣平。微溫無毒。○湯云。苦辛。氣味俱輕。陽也。足太陽經厥陰經藥。○太陽經本經之藥也。○

東云。升也。陰中之陽也。散肌表八風之邪。利周身百節之痛。去癰疽敗血。除新舊風濕。乃手足太陽

表裏引經藥也。○又云明目驅風除筋攣腫痛。○
珍云主風濕頭痛去癰疽敗血治肢節之疼。○走
云去風明目止諸痛牙疼治濕奔豚及金瘡疔瘰。
○象云手足太陽經風藥。○液云又足厥陰少陰
經藥加川芎治足太陽少陰頭痛治肢節疼痛一
身盡痛非此不除又去溫濕風。○日華子云羌活
治一切風濕氣筋骨拳攣四肢羸劣頭旋明目赤
目疼及伏梁水氣五勞七傷虛損冷氣骨節痠疼
通利五臟獨活是羌活母類也。○藥性論云羌活

君。味苦辛。無毒。治賊風失音不語。多痒血癩。手足不遂。口面喎斜。遍身痛痺。○象云。治肢節痛利諸節。手足太陽經風藥也。加川芎。治太陽少陰頭痛。透關節。去黑皮并腐爛者用。○心云。去溫濕風。○珍云。骨節痛。非此不能除。○液云。君也。非無爲之主。乃却亂反正之主。太陰經頭痛。肢節痛。一身盡痛。非此不治。又云。羌活。足太陽。厥陰。少陰藥也。與獨活不分二種。後人用羌活。多用鞭節者。用獨活。多用鬼眼者。羌活則氣雄。獨活則氣細。故雄者入

足太陽細者入足少陰也。又錢氏瀉青丸用此。壬
乙同歸一治也。或問治頭痛者何。答曰。巨陽从頭
走足。惟厥陰與督脉會于巔。逆而上行。諸陽不得
下。故令頭痛也。○劓云。羗活苦温散表風。利支節。
排巨陽癰。更除新舊風寒濕。手足太陽表裏通。○
局云。羗活獨活本來同。主療筋拳及痛風。眼赤頭
疼并水氣。用之俱各有神功。○羗活獨活本來同。
頭痛筋攣風氣撓。

獨活○君也○一名羗活○脉實爲之使○去皮淨

用。○氣細。

味苦甘。氣平溫。無毒。○湯云。氣味與羌活同。氣厚
味薄。升也。苦辛。○東云。升也。陰中之陽也。諸風掉
眩。頸項難伸。風寒濕痺。兩足不仁。及爲少陰腎經
行經之藥。○又云。療新久諸風。○珍云。主風寒濕
治頭眩。目暈。百節痛。

本經云。主風寒所擊。金瘡。止痛。賁豚。癰瘡。女子疝
瘕。療諸賊風。百節痛風。無久新者。久服輕身耐老。
一名羌活。一名獨搖草。此草得風不搖。無風自動。

○唐本注云。療風。宜用獨活。兼水。宜用羌活。○藥性論云。獨活。君。味苦辛。能治中諸風濕冷。奔喘逆氣。皮肌苦痒。手足攣痛。勞損。主風毒齒痛。○液云。後人分用。羌活。多用鞭節者。紫色而節密。獨活。多用鬼眼者。黃色而作塊。○晷經云。本經云。二物同是一類。○液云。獨活細而低。治足少陰伏風。而不治太陽。故兩足寒濕痺不能動止。非此不除。故雄者入足太陽。細者入足少陰。○象云。若與細辛同用。治少陰經頭痛。○心云。治風須用。又能燥濕。經

云。風能勝濕。○珍云。頭眩目暈。非此不能除。○劑
云。獨活苦甘。風可除。更安頸項。自難舒。療風寒濕
痺痿足腎經藥。引得斯愈。

防風○臣也。惡乾薑。藜蘆。白欬。芫花。殺附子毒。○實
而脂潤。頭節堅者良。○去蘆。又頭又尾者不用。
味甘辛。氣溫。無毒。○湯云。純陽。足陽明胃經。足太
陰脾經。乃二經之行經藥。○東云。以氣味能瀉肺
金。以體用通療諸風。○又云。祛風。○珍云。去濕。治
諸風。風能勝濕。身治上身。梢治下截。○走云。去風。

除頭暈。目盲。益神。補氣。治拘急。骨節痺疼。升也。陽也。太陽經本經藥。

本經云。主大風頭眩痛。惡風。風邪。目盲無所見。風行周身。骨節疼痺。煩滿。脅痛。脅風。頭面去來。四肢攣急。字乳。金瘡。內瘕。久服輕身。葉。主中風熱汗出。十月採根。暴乾。○本草又云。得澤瀉。藁本。療風。得當歸。芍藥。陽起石。禹餘糧。療婦人子臟風。○別錄云。又頭者。令人狂發。又尾者。發痼疾。○藥性論云。防風。臣。花。主心腹痛。四肢拘急。行履不得。經脉虛。

羸。主骨筋疼痛。○日華子云。治三十六般風。男子一切勞劣。補中。益神。風赤眼。止淚。及癱緩。通利五臟。關脉。五勞七傷。羸損。盜汗。心煩。體重。能安神定志。勻氣脉。○象云。治風通用。瀉肺實。散頭目滯氣。除上焦風邪之仙藥也。誤服。瀉人上焦元氣。去蘆并釵股用。○心云。又去濕之仙藥也。風能勝濕。故耳。○東垣云。防風。乃卒伍卑賤之職。隨所引而至。乃風藥中潤劑也。雖與黃芪相制。乃相畏而相使者也。○珍云。身。去身半已上風邪。梢。去身半已下。

風邪。○丹溪云。王太后病風不言。而脉沉。其事急。若以有形之湯藥。緩不及事。今投以二物湯。防風。黃芪。氣薰蒸。如霧滿室。則口鼻俱受。非智者通神。不可迴也。○東垣云。防風能制黃芪。黃芪得防風。其功愈大。○劄云。防風甘辛氣本溫。明睛亦療腦門疼。以其氣味能泄肺。以全體用治諸風。○局云。防風能解附子毒。主治三十六種風。明目治瘡。除腦痛。理勞去汗。療崩中。○防風主治一切風。仍除腦痛。

升麻○形細而黑。極堅實者第一。細削皮青綠色者亦好。謂之雞骨升麻。○用須去黑皮。并腐爛。○鬼臉升麻。消百毒。療癩痘痲瘡。

味甘苦。氣平。微寒。無毒。○湯云。微苦。微寒。味薄。氣厚。陽中之陰也。陽明經本經藥。亦走手陽明經。太陰經。○東云。升也。陰中之陽也。引葱白散。手陽明之風邪。引石膏。止足陽明之齒痛。引諸藥。遊行四經。升陽氣至陰之下。○又云。消風熱腫毒。發散瘡痲。○珍云。陽明引經藥。主本經頭痛。風邪在膚及

在頂梢。治脾痺。元氣不足者。於陰中升陽氣上行。
○走云。解毒。誅精。辟疫瘴。腹痛。寒熱。及頭疼。除風
散腫。兼治牙疼。

本經云。主解百毒。殺百精。老物殃鬼。辟溫疫瘴氣。
邪氣。蠱毒。入口皆吐出。中惡。腹痛。時氣。毒癘。頭痛。
寒熱。風腫。諸毒。喉痛。口瘡。久服不夭。輕身長年。○
藥性論云。治小兒風驚。癇時氣。熱疾。能治口齒風。
蠶腫疼。牙根浮爛。惡臭。熱毒。膿血。除心肺風毒。熱
壅閉不通。口瘡。煩悶。療癰腫。豌豆瘡。水煎。綿洗。拭

瘡上。○日華子云。安魂定魄。遊風腫毒。口氣疔匿。
○晷經云。治咽喉腫痛。口舌生瘡。解傷寒頭痛。凡
腫毒之屬。殊効。○丹溪云。陽中微陰。主脾胃。解肌
肉間熱。脾痺非梢不能除。此手足陽明經。傷風引
用之的藥。及發散本經風邪。若元氣不足。陽氣陷
下者。用此於陰中。升提陽氣上行。不可缺也。又云。
治肺痿。肺癰。欬唾膿血。瘡家之聖藥也。○象云。能
解肌肉間熱。此手足陽明經。傷風之的藥也。去黑
皮。并腐爛者。用若補脾胃。非此爲引用。不能補。若

得葱白白芷之類亦能走手足陽明太陰。○心云。
發散本經風邪。元氣不足者。用此於陰中。升陽氣
上行。○珍云。脾痺。非此不能除。○東垣云。升麻入
足陽明。若初病太陽証。便服升麻葛根。發出陽明
經汗。或失之過。陽明經燥。太陽經不可解。必傳陽
明矣。投湯不當。非徒無益。而又害之也。○朱氏云。
瘀血入裏。若衄血。吐血者。犀角地黄湯。乃陽明經
聖藥也。如無犀角。以升麻代之。升麻犀角。性味相
遠不同。何以代之。止是引地黃。及餘藥。同入陽明。